

Parte xeral

Tema 2

O Estatuto de Autonomía
de Galicia.

Índice do Tema 2. Parte xeral

1. Estatuto de Autonomía de Galicia

- 1.1 Que é o Estatuto de Autonomía de Galicia?
- 1.2 Estrutura e contido básico do Estatuto de Autonomía de Galicia
- 1.3 Os poderes de Galicia

2. O Parlamento de Galicia

- 2.1 Composición do Parlamento

3. A Xunta de Galicia e a súa presidencia

- 3.1 A Xunta de Galicia
- 3.2 A Presidencia da Xunta de Galicia

4. A Administración Pública Galega

Introdución

Neste tema vas coñecer
o Estatuto de Autonomía de Galicia
e cal é a súa principal función.

Tamén vas coñecer cales son os Poderes de Galicia.
Falaremos sobre o Parlamento de Galicia,
sobre a Xunta de Galicia
e sobre a presidencia da Xunta de Galicia.

Tamén coñecerás as funcións
que teñen estes poderes
e as principais cuestións que regulan.

Por último, tamén aprenderás
as principais características
da Administración pública galega.

1. Estatuto de Autonomía de Galicia

1.1. Que é o Estatuto de Autonomía de Galicia?

O Estatuto de Autonomía de Galicia
é a norma institucional básica
da Comunidade Autónoma de Galicia.

O Estatuto de Autonomía de Galicia é unha lei orgánica.

Unha lei orgánica é un tipo de lei.

O Estatuto é a Lei orgánica 1/1981, do 6 de abril.

O Estatuto aprobouse en 1981.

Os poderes da Comunidade Autónoma de Galicia
proceden da Constitución española,
do Estatuto de Autonomía e do pobo galego.

1.2. Estrutura e contido básico do Estatuto de Autonomía

O Estatuto de Autonomía de Galicia

regula cuestións básicas como:

- O territorio.
- A condición política de galego
- A lingua.
- A bandeira.
- O himno
- O escudo.

Imos coñecer cada un:

- **O territorio.**

O territorio de Galicia

está formado polas provincias de:

- A Coruña.
- Lugo.
- Ourense.
- Pontevedra.



**Nesta imaxe podes ver
as catro provincias de Galicia**

- **A condición política de galego.**

Teñen a condición política de galego:

- Os cidadáns españois
que teñen veciñanza administrativa
nos municipios de Galicia.
Ter veciñanza administrativa nun municipio
quere dicir que vives alí.
- Os cidadáns españois que viven no estranxeiro
e que tiveron a última veciñanza administrativa en Galicia.
Estas persoas deben acreditar esta condición
no correspondente Consulado de España
do país no que viven.
O Consulado é un órgano
que representa a España noutros países.
- Os descendentes de españois que viven no estranxeiro
e que tiveron a última veciñanza administrativa en Galicia

- **A lingua.**

A lingua propia de Galicia é o galego.

O galego e o castelán
son os idiomas oficiais de Galicia.

Todas as persoas teñen o dereito de coñecerlos
e o dereito de usalos.

Ninguén pode ser discriminado pola lingua que fale.

- **Bandeira, himno e escudo.**

A bandeira de Galicia é branca.

Ten unha banda diagonal de cor azul.

A banda vai desde a esquina superior esquerda

ata a esquina inferior dereita.

Galicia tamén ten un himno propio
e un escudo propio



Esta é una imaxe
da bandeira de Galicia



Esta é una imaxe
do Escudo de Galicia

1.3. Os poderes de Galicia

Os poderes aparecen no Título Primeiro
do Estatuto de Autonomía de Galicia.

A comunidade autónoma de Galicia
exerce os seus poderes a través de:

- O Parlamento de Galicia.
- A Xunta de Galicia.
- A Presidencia da Xunta de Galicia.

O Parlamento de Galicia

é o órgano que aproba
as leis de Galicia.

A Xunta de Galicia

é o órgano colexiado
de Goberno de Galicia.

Un órgano colexiado é
o que está formado por varios membros.

La Presidencia da Xunta de Galicia

é a persoa que dirixe e coordina
a Xunta de Galicia.

2.O parlamento de Galicia

O Parlamento de Galicia representa á cidadanía de Galicia.

É dicir, representa a todos os galegos e a todas as galegas.

A sede do Parlamento está no Pazo do Hórreo
en Santiago de Compostela
desde o ano 1989.

A función principal do Parlamento
é aprobar as leis de Galicia.

2.1. Composición do Parlamento de Galicia

O Parlamento está formado por deputados.

O número mínimo de deputados é de 60.

O número máximo de deputados é de 80.

Agora o número é de 75 deputados.

A cidadanía de Galicia elixe os deputados.

A cidadanía elixe os deputados por un período de 4 anos.

Este período de 4 anos chámase **lexislatura**.

Os deputados repártense por circunscricións electorais.

A provincia é a circunscrición electoral.

É dicir, en cada provincia de Galicia

elíxese un número de deputados.

Cada deputado representa á provincia

na que é elixido.

O Parlamento está formado por:

- 1 presidente.
- 1 mesa.
- 1 deputación permanente.

O Parlamento ten un **orzamento** propio.

O orzamento consiste na cantidade de diñeiro
de que dispón o Parlamento para funcionar.

3.A Xunta de Galicia e a súa presidencia

3.1. A Xunta de Galicia

A Xunta de Galicia é o órgano colexiado
de goberno de Galicia.

A Xunta de Galicia reúne en **Consello de Goberno**.

O presidente do Consello de Goberno
é o presidente/a da Xunta de Galicia.

A Xunta está composta por varios membros,
tanto homes como mulleres:

- O presidente,
- 1 ou varios vicepresidentes,
- Os conselleiros.

A función principal da Xunta de Galicia é:

- Dirixir a política xeral,
- Dirixir a Administración
da Comunidade Autónoma de Galicia.

3.2. A Presidencia da Xunta de Galicia

O presidente é a persoa que dirixe e coordina

a actividade da Xunta de Galicia.

O presidente da Xunta de Galicia representa a Galicia.

O Parlamento de Galicia elixe o presidente da Xunta de Galicia.

O Presidente ten que ser un deputado do Parlamento.

O Rei nomea ao presidente da Xunta de Galicia.

O presidente nomea e cesa aos conselleiros.

4.A Administración Pública Galega

A organización da Administración
da Comunidade Autónoma de Galicia
regúlaa unha lei.

A Administración da Comunidade Autónoma de Galicia
está dividida en moitos órganos.

Por exemplo,
a Consellería do Mar ou a Consellería do Medio Rural.

A Administración ten moitos órganos diferentes
porque a cidadanía ten moitas necesidades diferentes.

Por exemplo,
necesitamos escolas para os nosos fillos
ou hospitais para os nosos familiares.

Cada órgano da Administración
dirixe e administra unha materia.

Por exemplo,
a Consellería de Cultura, Educación,

Formación Profesional e Universidades

administra a educación de Galicia.

A Consellería de Sanidade

facilita ir ao médico cando enfermamos.